



უწმინდესმა პატრიარქმა კირილემ სრულიად საქართველოს კათოლიკოს-პატრიარქს, ილია II-ს სამღვდელთმთავრო ქიროტონის 60 წლის იუბილე მიულოცა



სსკგ-ის კომუნიკაციის სამსახური, 26.08.2023. მოსკოვისა და სრულიად რუსეთის უწმინდესმა პატრიარქმა კირილემ სრულიად საქართველოს კათოლიკოს-პატრიარქს, უწმინდესსა და უნეტარეს ილია II-ს სამღვდელთმთავრო კურთხევის 60 წლისთავი მიულოცა.

მის უწმინდესობასა და უნეტარესობას, უწმინდესსა და უნეტარეს ილია II-ს,
სრულიად საქართველოს კათოლიკოს-პატრიარქს

თქვენო უნმინდესობავ და უნეტარესობავ, უფლისმიერ საყვარელო ძმაო და თანამსახურო!

გულითადად მოგესალმებით და მთელი სულითა და გულით გილოცავთ ამ მნიშვნელოვან თარიღს – სამღვდელთმთავრო ქიროტონის 60 წლის იუბილეს.

შორეულ 1963 წელს, ივერიის საპატრიარქო ტახტზე თქვენი დიდი წინამორბედის, უნმინდესი და უნეტარესი კათოლიკოს-პატრიარქის ეფრემ II-ისა და საქართველოს მართლმადიდებელი ეკლესიის ღირსი იერარქების ხელთდასხმით, რომელთა შორის იყო თქვენი სულიერი მოძღვარი წმინდა მღვდელთმთავარი ზინობი მაჟუგა, თეთრინყაროს ეპისკოპოსი, თქვენ მოწოდებულ იქმენით საეპისკოპოსო მსახურებაზე.

მიჰყევით რა მოციქულის მცნებას, თქვენ *მუდმივად აღვივებდით ღვთის ნიჭს*, რომელიც *ხელთდასხმისას მოგეცათ* (2 ტიმ. 1:6), *ვიდოდით ძალითი ძალად* (ფს. 83:8), ცდილობდით მიგეღწიათ *სრულყოფილი კაცის ზომას* (ეფეს. 4:13). მოიხილა რა თქვენი მრავალი შრომა და გულმოდგინება, ყოველთა მწყემსთა მთავარმა ქრისტემ აგიყვანათ სრულიად საქართველოს კათოლიკოს-პატრიარქთა მაღალ საწინამძღვრო ტახტზე. იმ ათწლეულების განმავლობაში, რაც თქვენ უფლის საყდრის წინაშე დგახართ, ივერიაშიც და მთელს მსოფლიოშიც მრავალი ცვლილება მოხდა. თუმცა დღემდე უცვალელებელი რჩება თქვენი საპატრიარქო მსახურების სახე, გამორჩეული უფლისადმი მზურვალე რწმენითა და სიყვარულით, რომელსაც თქვენ ქადაგებთ, – *ასწავლით რა ყოველ ადამიანს და მთელი სიბრძნით მოძღვრავთ, რათა სრულქმნილი წარადგინოთ იგი ქრისტე იესოში* (კოლ. 1.28)..

თქვენთვის და მთელი საქართველოს მართლმადიდებელი ეკლესიისთვის ამ სულიერად მნიშვნელოვან დღეს, გულუხვი ღმრთის მიმართ აღვავლენ ლოცვებს მძიმე საპატრიარქო ღვანლის აღსრულებაში თქვენი უნმინდესობისა და უნეტარესობის ძალების განმტკიცებისთვის.

უფალში ძმური სიყვარულით,

+კირილე,

მოსკოვისა და სრულიად რუსეთის პატრიარქი